



CENTRALE BANK VAN ARUBA

## Mehoracion marginal den finanzas publico

Comunicado di Prensa<sup>1</sup>

10 di augustus, 2018

Awe Banco Central di Aruba (BCA) ta publica “State of the Economy” pa e prome trimester di 2018. E publicacion aki ta duna un sinopsis di e desaroyonan economico local y internacional di e periodo aki. E puntonan mas importante ta presenta abou, incluyendo un resumen di e indicadornan economico principal.

Den e prome trimester di 2018, e sector turistico un biaha mas tabata e motor principal di e economia Arubano. E mercado Mericano tabata esun mas importante pa e crecimiento den bishitante, mescos cu e tabata pa e ultimo cuater trimester. Mientrastanto, turismo crucero tambe a presta fuerte. Cifranan preliminarario ta muestra cu e sector turistico a registra un crecimiento di 11,2 por ciento den entrada. Ademas, e tasa di ocupacion di hotel basa riba un promedio y e entrada hotelero pa camber disponibel a resulta significamente mas halto cu e periodo corespondiente na 2017.



Indicadornan di consumo tabata mixto den e prome trimester di 2018. Entradanan di impuesto a crece significante, relata na mas entrada di benta di negoshi (BBO) y impuesto riba importacion. Tin cu nota cu parti di e crecimiento a resulta door di mehoracion den cumplimiento y mihor inspeccionnan riba importacion. Di otro banda, credito bancario na consumidornan ta muestra un bahada den consumo, cu caida den tur e componentenan di credito, pero primordialmente den prestamo personal. Sentimentonan di consumidor a mehora un poco den e prome trimester di 2018 compara cu e trimester anterior, pero consumidornan a keda pesimista.

<sup>1</sup> E original na Ingles ta prevalece.

Finanzas publico a mehora un poco, ilustra pa un caida den e deficit financiero y un tasa di debe stabiel. E deficit mas chikito a resulta for di un crecimiento den entrada di gobierno, pa un gran parti atribui na esfuersonan pa mehora cumplimiento y cobranza di retrasonan, cu a supera e crecimiento den gastonan. Debe di gobierno a subi cu Afl. 8,7 milyon den e prome tres luna di 2018. Consecuentemente, e proporcion di debe cu PDB a alcanza na 85,8 por ciento na final di e periodo. Apesar di e mehoracion marginal den e posicion financiero di gobierno, gobierno mester traha riba un fortificacion di e fundeshi.

Finalmente, e nivel di reserva di divisa neto a mehora cu 3,3 por ciento durante e prome trimestre di 2018, permaneciendo riba e normanan critico monitoria pa e Comision di Maneho Monetario (CMM) di BCA.

**Tabel: Indicadornan economico principal pa e prome trimestre di 2018**

Indicador	2017T1	2018T1	Cambio
Entrada hotelero pa camber disponibel (US\$)	301	333	32
Cantidad di turista (number)	263.565	274.955	11.390
Bishitante di crucero (number)	280.923	308.838	27.915
Permiso di construccion (Afl. milyon)	102,3	95,8	-6,2
Entrada di benta di negoshi (BBO) (Afl. milyon)	25,6	29,9	4,3
Impuesto riba entrada y ganashi (Afl. milyon)	76,9	84,5	7,6
Tasa di inflacion, promedio anual (porcentahe)	-0,7	0,0	0,7
Indice di confiansa di consumidor (di prome trimestre, punto di indice)	96,0	95,4	-0,6

Fuentenan: BCA, AHATA, ATA, CBS.

E publicacion completo ta disponibel riba BCA su website ([www.cbaruba.org](http://www.cbaruba.org)).